

Broj: 01-07-07/2-11-3-147/22
Sarajevo, 10.10.2023.

Na osnovu člana 22. Zakona o unutrašnjim poslovima Federacije Bosne i Hercegovine ("Službene novine FBiH", broj: 81/14) i u skladu sa Zakonom o javnim nabavkama Bosne i Hercegovine („Službeni glasnik BiH“, br. 39/14), i Zakona o izmjenama i dopunama Zakona o javnim nabavkama („Službeni glasnik BiH“, broj 59/22) federalni ministar unutrašnjih poslova, **d o n o s i**

ODLUKU

o dodjeli ugovora za nabavku goriva i maziva u toku 2024. godine za potrebe Federalnog ministarstva unutrašnjih/unutarnjih poslova

I

Na osnovu odredbi člana 64. stav(1) tačka (b), člana 69. stav (1) tačka a) i člana 70. Zakona o javnim nabavkama („Službeni glasnik BiH“, broj:39/14) i Zakona o izmjenama i dopunama Zakona o javnim nabavkama („Službeni glasnik BiH“, broj 59/22), a na osnovu Odluke o pokretanju postupka javne nabavke goriva i maziva u toku 2024. godine broj: 01-06-06/3-11-3-1923/23 od 21.9.2023. godine, putem konkurentskog zahtjeva i Obavještenja o nabavci, broj: 405-7-1-104-3-56/23 od 21.9.2023. godine (Sl. glasnik BiH broj: 67/23), dodjeljuje se ugovor za nabavku goriva i maziva u toku 2024. godine za potrebe Federalnog ministarstva unutrašnjih/unutarnjih poslova.

II

Ugovor za nabavku goriva i maziva u toku 2024. godine za potrebe Federalnog ministarstva unutrašnjih/unutarnjih poslova dodjeljuje se ponuđaču „HIFA“ d.o.o. Tešanj, koji je dostavio prihvatljivu ponudu u iznosu od 36.750,00 KM bez PDV-a i koji ispunjava sve uvjete predviđene Tenderskom dokumentacijom.

III

Obavezuje se Sektor za materijalno-finansijske poslove Federalnog ministarstva unutrašnjih poslova/Federalno ministarstvo unutarnjih poslova, da shodno Zakonu o javnim nabavkama pripremi sve potrebne akte za sklapanje ugovora sa ponuđačem „HIFA“ d.o.o. Tešanj.

IV

Ova Odluka objavit će se na web stranici Federalnog ministarstva unutrašnjih poslova u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u postupku javne nabavke.

V

Ova Odluka stupa na snagu danom donošenja.



Obrazloženje

Rješenjem Federalnog ministra unutrašnjih poslova, broj: 01-07-07/2-11-3-147/22 od 16.11.2022. godine, formirana je Komisija za provođenje postupka nabavke svih roba, usluga i radova za 2023. godinu i 2024. godinu putem konkurentskog zahtjeva za dostavu ponuda za potrebe Federalnog ministarstva unutrašnjih poslova – Federalnog ministarstva unutarnjih poslova. Odlukom o pokretanju postupka javne nabavke goriva i maziva u toku 2024. godine broj: 01-06-06/3-11-3-1923/23 od 21.9.2023. godine i Obavještenja o nabavci broj: 405-7-1-104-3-56/23 od 21.9.2023. godine pokrenut je postupak javne nabavke.

Komisija je dana 2.10.2023. godine obavila postupak javnog otvaranja prispjelih ponuda u cilju izbora najpovoljnije ponude za javnu nabavku goriva i maziva u toku 2024. godine za potrebe Federalnog ministarstva unutrašnjih/unutarnjih poslova. Komisija je konstatovala sljedeće:

Da je za predviđenu nabavku pristigla jedna (1) blagovremena ponuda i to:

1. Ponuđač „HIFA“ d.o.o. Tešanj, sa ukupno ponuđenom cijenom od 36.750,00 KM bez PDV-a, (PDV: 6.247,50 KM), odnosno 42.998,10 KM sa PDV-om;

Pregledom blagovremeno pristigle ponude u postupku javne nabavke goriva i maziva u toku 2024. godine za potrebe Federalnog ministarstva unutrašnjih/unutarnjih poslova Komisija je ustanovila računске greške u ponudi ponuđača „HIFA“ d.o.o. Tešanj i to u Obrascu za dostavljanje ponuda – Aneks 1 na strani 31. gdje stoji „Ukupna cijena sa PDV-om“: 42.998,105 KM, a treba da stoji 42.997,50 KM. Također u Obrascu za cijenu ponude za nabavku goriva i maziva u toku 2024. godine na strani 34. na ukupnom zbiru sa PDV-om umjesto 42.998,105 KM treba da stoji 42.997,50 KM.

Komisija se usaglasila da se ponuđaču „HIFA“ d.o.o. Tešanj pošalje saglasnost za ispravku računskih grešaka, te je dana 3.10.2023. godine poslala dopis u kome se traži odobrenje za ispravku računskih grešaka.

Nakon dobivene saglasnosti za ispravku računskih grešaka od strane ponuđača „HIFA“ d.o.o. Tešanj dana 3.10.2023. godine Komisija je pristupila ispravci istih, te je nakon izvršenih ispravki ustanovila da ukupna cijena bez PDV-a iznosi: 36.750,00 KM, (PDV: 6.247,50 KM), odnosno 42.997,50 KM sa PDV-om, te ponuda sadrži sve potrebne elemente koje su navedene u Tenderskoj dokumentaciji i uklapa se u procijenjenu vrijednost nabavke koja iznosi 40.000,00 KM.

S obzirom na to da je obavještenjem o nabavci, broj: 405-7-1-104-3-56/23 od 21.9.2023. godine u ODJELJKU IV 5. i Tenderskom dokumentacijom za konkurentski zahtjev za dostavu ponuda za nabavku goriva i maziva u toku 2024. godine od 21.9.2023. godine predviđeno korištenje e-aukcije, a da je Pravilnikom o načinu korištenja E-aukcije („Službeni glasnik BiH, 66/16“) u članu 3. stav (3) predviđeno je da u slučaju prijema jedne prihvatljive ponude e-aukcija se ne može zakazati, Komisija je na temelju gore navedenih činjenica dala preporuku o zaključivanju ugovora javne nabavke goriva i maziva u toku 2024. godine za potrebe Federalnog ministarstva unutrašnjih/unutarnjih poslova, jer dostavljena ponuda zadovoljava sve kriterije koji su navedene u Tenderskoj dokumentaciji i uklapa se u procijenjenu vrijednost javne nabavke, čime su se stvorili uslovi za donošenje Odluke o dodjeli ugovora za nabavku goriva i maziva u toku 2024. godine za potrebe Federalnog ministarstva unutrašnjih/unutarnjih poslova.

Shodno kriterijumu za dodjelu ugovora, a u skladu sa članom 64. stav (1) tačka b), članom 70. Zakona o javnim nabavkama („Službeni glasnik BiH“, broj: 39/14) i Zakona o izmjenama i dopunama Zakona o javnim nabavkama („Službeni glasnik BiH“, broj 59/22), Ugovorni organ vođen Izvještajem o radu Komisije i preporukom o dodjeli ugovora, odlučio je kao u dispozitivu ove Odluke.

Pouka o pravnom lijeku: Protiv ove Odluke dopuštena je žalba koja se može izjaviti Uredu za razmatranje žalbi BiH, u pisanoj formi u roku od 5 (pet) dana od dana prijema iste. Žalba se podnosi putem Ugovornog organa u 3 (tri) primjerka).

Dostaviti:

1. Ponuđaču,
2. Sektoru za materijalno - finansijske poslove FMUP-a,
3. Kabinet ministra, Odsjek za odnose sa javnošću
(za potrebe objave na internetskoj stranici FMUP-a-Ugovornog organa)
4. U spis



SM/ZK

FMUP- ODL